

**EH Bildu talde politiko**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

**ARAUTZE-PROPOSAMENA**

**ZAINTZAREN KONTSEILUA SORTZEKOA.**

EH Bildu udal taldeko bozeramaile Reyes Carrere Zabalak, Udalbatzaren Araudi Organikoaren 90. 91. eta 115. artikulua oinarri, HIRIKO ZAINTZA EREDUAREN KONTSEILU SEKTORIALA SORTZEKO ARAU-PROPOSAMEN BATERAKO EKIMEN hau aurkezten du.

**JUSTIFIKAZIOA**

Zaintzaz hitz egiten dugunean elkarrekiko erantzukizunaz hitz egiten dugu, lehenetasun sozialaz hitz egiten dugu eta horrek duen kostu ekonomiko eta pertsonalaz. Pertsona guztiak gara elkarren mendekoak eta zaintza beharrak ditugu gure bizitza ziklo osoan. Gizartea zahartzeak, jaiotza-tasa baxuak, egungo bizi itxaropenak... zaintza eredu pluraltasunetik eraiki behar dugula erakusten digute, arreta sozializatuz eta emakumezkoak zaintzaren erantzule bakarra izatetik askatuz. Horrek bai balioak bai gizarte antolamendua aldatzera garamatza, administrazio publikoaren inplikazioa eta gizonezkoen erantzukidetasuna bilatuz.

Oro har, familiak izan dira zaintzaren arreta informala eskaini dutenak gaixotasunak, ezintasunak, istripuak, mendekotasunak... izan direnean, eta adineko pertsonen zein haurren zaintza egin behar izan denean. Funtzio hori emakumeon bizkar geratu da gehienetan (zaintza beharra duenaren ama, bikotekidea, alabak edo ahizpak).

Beste modu batera esanda, emakume zaintzailearen rola sare informalaren elementu nagusia da. Urteetan, politika publikoak emakumeok betetzen dugun hutsune hori bete gabe jarraitu du eta, ondorioz, emakumeok egiten dugun zaintza informal horrekin jarraitzera zigortu gaitu.

Zereginen esleipen hori oso errotuta dagoen ikuspegi patriarkaletik egiten da. Historikoki gizonezkoak enplegu ordaindu eta formalera bideratu diren bezala, emakumeak, berriz, mendekotasun egoeran egon dira eta zeregin txikiagoak betetzera igaro dira (ordaindu gabeko

### **EH Bildu talde politiko**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

zainketa lana), zaintza sexuaren berezko eta naturalizat jotzen den zerbaiteko femeninoa izango balitz bezala.

Emakundek aurten aurkeztutako azkeneko zaintza ikerketan argazki hau baieztatzen du<sup>1</sup>: *Enplegua duten euskal emakumeek gizonen baino askoz ere denbora gehiago eskaintzen diote adingabeak nahiz mendekoak zaintzeari. Etxetik kanpo lan egiten duten emakumeek 5,1 ordu ematen dituzte egunean 15 urtetik beherako seme-alabak zaintzen; gizonen, aldiz, 3,3 ordu. Gizonen seme-alabak zaintzeko eszedentzien % 7,4 hartzen dituzte, eta mendekoak zaintzeko eszedentzien % 17,9. Horrenbestez, zaintza-lanak gizonen erantzukizunik eza dela-eta, emakume askorentzat oztopo bihurtzen dira profesionalki garatzeko, eremu publikoan parte hartzeko, aisialdiaz gozatzeko eta osasun ona edukitzeko orduan, eta, ondorioz, besteak beste, emakumeen laneko eskubideak eta gizarte-babeseko eskubideak murrizten dira.*

Era berean, zaintza formalaren alorrean ere gabeziak nabariak dira: egoitza langileen egoera, eta etxeko langileen zaugarritasun eta prekaritatea -batez ere, pandemiaren testuinguruan-. Hau da, nahiz eta zaintza formala izan, egoerak prekarioa izaten jarraitzen du eta zaintzan lan egiten duten profesionalen % 90 emakumezkoak dira berriro ere.

Gure taldeak behin eta berriro aurkeztu ditu zaintza eredu publiko eta duin baten aldeko proposamenak; esate baterako, hirian lan egiten duten 2.500 etxeko langileen baldintzak hobetzeko kontrol mozioak edo etxez etzeko laguntzako 400 profesionalen lan-baldintzak hobetzeko neurriak. Aldi berean, hamaika eragile sozialek (ASADE elkarte, Elkartu, Mara-Mara elkarte, Bidez Bide, Gautena, Arrats, LAGAEL, Plazandreok, Haurralde, Donostiako Emakumeen Etxea eta Sos Arrazakeriko etxeko langileen kolektiboak) zaintzen eredu publiko baten alde lan egiteko eskaera egin dute (ekainaren 21ean erregistro bidez aurkeztutako dokumentuaren bitartez), Zaintzaren Kontseilu Sektorial baten sorrera proposatuz.

EH Bilduren ustez, beharrezkoa da Udalak aztertzea zein den zaintza sektorearen pisua hiriko ekonomian, zein den zaintza sektorean lan egiten duten pertsonen egoera, nola kudeatzen diren

<sup>1</sup><https://www.emakunde.euskadi.eus/gizoneus/-/gizonduz-covid19/>

**EH Bildu talde politiko**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

zaintza beharrak eta nola hobetu daitezkeen eta gogoeta bat egitea etorkizunerako nahi dugun zaintza ereduaren inguruan.

Horiek horrela, EH Bildu udal taldeak honako hau proposatzen du:

**ERABAKIA:**

- Bidezkoa jotzea Zaintzaren kontseilua sortzea eta hura arautzen duen erreglamendua onartzea.

-Horren ondorioz, Arau-Proposamen baterako ekimen honi buruzko Aldez Aurreko Jendaurreko Kontsulta bat izapidetuko da, Udalbatzaren Araudi Organikoko 115. artikuluan aurreikusitakoarekin bat.

Donostia, 2021eko irailaren 10ean

Reyes Carrere Zabala

EH Bildu udal taldeko bozeramailea